

**ԱՐՁԱՆԱԳՐՈՒԹՅՈՒՆ**

**«Վանաձոր համայնքի ղեկավարի 2023 թվականի բյուջեի կատարման տարեկան հաշվետվության» վերաբերյալ հանրային լսումներ**

Սույն թվականի փետրվարի 21-ին, ժամը 11:00-ին Վանաձորի համայնքապետարանի վարչական շենքում տեղի ունեցավ «Վանաձոր համայնքի ղեկավարի 2023 թվականի բյուջեի կատարման տարեկան հաշվետվության» վերաբերյալ հանրային լսումները:

Քննարկման ընթացքը.

Հայտարարության համաձայն, նախապես իրազեկված անձանց մասնակցությամբ, հանրային քննարկումը սկսվեց ժամը 11:00-ին, ավագանու նիստերի դահլիճում /4-րդ հարկ/: Բացման խոսքով հանդես եկավ Վանաձորի համայնքապետարանի աշխատակազմի քարտուղար Հայկ Վիրաբյանը՝ ներկայացնելով հանրային քննարկումների նպատակը.

«Հիմք ընդունելով Վանաձոր համայնքի ավագանու 07 հունիսի 2016 թվականի թիվ 33-Ն որոշմամբ հաստատված կարգը, ղեկավարվելով «Բյուջետային համակարգի մասին» ՀՀ օրենքի 35-րդ հոդվածի 2-րդ մասով, «Տեղական ինքնակառավարման մասին» ՀՀ օրենքի 11-րդ, 37-րդ հոդվածի 1-ին մասի 3-րդ կետով, 84-րդ հոդվածի 2-րդ մասով, «Նորմատիվ իրավական ակտերի մասին» ՀՀ օրենքի 4-րդ հոդվածով՝ որոշվել է.

1. Վանաձոր համայնքի ղեկավարի 2023 թվականի բյուջեի կատարման տարեկան հաշվետվությունը ներկայացնել հանրային բաց լսումների և (կամ) քննարկումների 2024 թվականի փետրվարի 06-ից մինչև 2024 թվականի փետրվարի 21-ն ընկած ժամանակահատվածում:

2. Համայնքապետարանի պաշտոնական ինտերնետային կայք էջում տեղադրվել է հանրային բաց լսումների հրավերը <https://vanadzor.am/hanrayin-bac-lsumner-gnarkumner-21-02-24>, ինչպես նաև այն փակցվել է համայնքի ղեկավարի նստավայրում բոլորի համար մատչելի ու տեսանելի տեղում:

3. Հանրային բաց լսումների և (կամ) քննարկումների օր է նշանակվել 2024 թվականի փետրվարի 21-ը:

4. Համայնքի ղեկավարի 2023 թվականի բյուջեի կատարման տարեկան հաշվետվության վերաբերյալ հանրային բաց լսումների և (կամ) քննարկումների վարման համար համայնքի ղեկավարի ներկայացուցիչ է նշանակվել Վանաձորի համայնքապետարանի աշխատակազմի ֆինանսատնտեսագիտական բաժնի պետի Ժ/պ Վահե Գրիգորյանը:

Վ.Գրիգորյան - Հանրային լսումների հարգելի՛ մասնակիցներ, Ձեզ եմ ներկայացնում 2023 թվականի բյուջեի կատարողականը, նշեմ, որ ունենք լավ ցուցանիշներ:

Վանաձոր համայնքի 2023 թվականի բյուջեն եկամուտների գծով կատարվել է 74.6%-ով, բյուջեով նախատեսված 5.130.294.6 հազար դրամի դիմաց փաստացի մուտքերը կազմել են 3.825.306.9 հազար դրամ, որից

- Վարչական բյուջեի մուտքերը նախատեսված 3.657.324.7 հազար դրամի դիմաց կազմել են 3.689.685.9 հազար դրամ, կատարվել են 100.9%-ով: Նախորդ տարվա համեմատությամբ աճել են 343.391.3 հազար դրամով, որը հիմնականում պայմանավորված է սեփական եկամուտների և պետական բյուջեից ֆինանսական համահարթեցման սկզբունքով տրամադրվող դոտացիայի ավելացմամբ:

- Ֆոնդային բյուջեի մուտքերը նախատեսված 1.672.969.9 հազար դրամի դիմաց կազմել են 335.621.0 հազար դրամ, կատարվել են 20.1.0%-ով: Նախորդ տարվա համեմատությամբ աճել են 23.310.9 հազար դրամով:

- Վարչական բյուջեի պահուստային ֆոնդից ֆոնդային բյուջե կատարվող հատկացումներից մուտքը նախատեսված 200.000.0 հազար դրամի դիմաց կազմել է 200.000.0 հազար դրամ, կատարվել է 100%-ով:

• Սեփական եկամուտների գծով բյուջեն կատարվել է 102.1%-ով, նախատեսված 1.595.882.9 հազար դրամի դիմաց փաստացի մուտքերը կազմել են 1.628.917.0 հազար դրամ: Նախորդ տարվա համեմատությամբ աճել են 315.904.8 հազար դրամով, որից

Անշարժ գույքից գույքային հարկերի գծով փաստացի մուտքը 124.652.0 հազար դրամի դիմաց կազմել է 158.712.9 հազար դրամ, կատարվել է 127.3%-ով: Նախորդ տարվա համեմատությամբ աճել է 5.618.2 հազար դրամով:

Փոխադրամիջոցներից գույքային հարկերի գծով փաստացի մուտքը 884.237.5 հազար դրամի դիմաց կազմել է 897.568.6 հազար դրամ, կատարվել է 101.5%-ով: Նախորդ տարվա համեմատությամբ աճել է 238.612.7 հազար դրամով:

Տեղական տուրքերը նախատեսված 85.030.0 հազար դրամի դիմաց կազմել են 67.862.6 հազար դրամ, կատարվել են 79.8%-ով: Նախորդ տարվա համեմատությամբ աճել են 12.455.5 հազար դրամով:

Պետական տուրքի գծով փաստացի մուտքը նախատեսված 52.000.0 հազար դրամի դիմաց կազմել է 52.715.8 հազար դրամ, կատարվել է 103.3%-ով: Նախորդ տարվա համեմատությամբ աճել է 3.255.1 հազար դրամով:

Գույքի վարձակալությունից եկամուտները կատարվել են 117.1%-ով, նախատեսված 51.447.4 հազար դրամի դիմաց փաստացի հավաքագրվել է 60.232.9 հազար դրամ: Նախորդ տարվա համեմատությամբ նվազել է 13.620.9 հազար դրամով:

Վարչական գանձումները (տեղական վճարներ) նախատեսված 374.126.2 հազար դրամի դիմաց կազմել են 347.200.3 հազար դրամ, կատարվել են 92.8%-ով: Նախորդ տարվա համեմատությամբ աճել են 35.788.7 հազար դրամով:

Վարչական իրավախախտումների համար ՏԻՄ-ի կողմից պատասխանատվության միջոցների կիրառումից եկամուտները կատարվել են 50%-ով, նախատեսված 2.000.0 հազար դրամի դիմաց փաստացի հավաքագրվել է 1000.0 հազար դրամ: Նախորդ տարվա համեմատությամբ աճել է 650.0 հազար դրամով:

Այլ եկամուտները նախատեսված 22.389.8 հազար դրամի դիմաց կազմել են 42.623.9 հազար դրամ, կատարվել են 190.4%-ով: Նախորդ տարվա համեմատությամբ աճել են 33.145.5 հազար դրամով:

• Պաշտոնական դրամաշնորհների գծով բյուջեն կատարվել է 62.3%-ով, նախատեսված 3.485.262.3 հազար դրամի դիմաց հատկացվել է 2.172.304.5 հազար դրամ, նախորդ տարվա համեմատությամբ նվազել է 166.781.3 հազար դրամով, որից

Պետական բյուջեից ֆինանսական համահարթեցման սկզբունքով տրամադրվող դոտացիան նախատեսված 2.050.3869.2 հազար դրամի դիմաց կազմել է 2.050.869.2 հազար դրամ, կատարվել է 100%-ով: Նախորդ տարվա համեմատությամբ աճել է 25.736.3 հազար դրամով:

Պետական բյուջեից համայնքի վարչական բյուջեին տրամադրվող նպատակային հատկացումները (սուբվենցիաներ) նախատեսված 4.575.6 հազար դրամի դիմաց կազմել է 4.575.5 հազար դրամ, կատարվել է 100%-ով, որը նպատակաուղղված է երաժշտական և արվեստի դպրոցներում ազգային, փողային և լարային նվագարանների գծով ուսուցման համար: Նախորդ տարվա համեմատությամբ աճել է 751.5 հազար դրամով:

Պետական բյուջեից կապիտալ ծախսերի ֆինանսավորման նպատակային հատկացումները (սուբվենցիաներ) նախատեսված 1.429.817.5 հազար դրամի դիմաց կազմել են 116.859.8 հազար դրամ կամ կատարվել է 8.2%-ով, նախորդ տարվա համեմատությամբ նվազել է 193.269.1 հազար դրամով:

- ՏԻՄ-երին պատվիրակված լիազորությունների իրականացման ծախսերի ֆինանսավորման համար պետական բյուջեից ստացվող միջոցները նախատեսված 5.997.0 հազար դրամի դիմաց կազմել են 5.324.2 հազար դրամ, կատարվել է 88.8%-ով: Նախորդ տարվա համեմատությամբ աճել է 998.7 հազար դրամով:

- Կապիտալ ծախսերի ֆինանսավորման համար համայնքի բյուջե ստացված մուտքերը՝ տրամադրված արտաքին աղբյուրներից նախատեսված 43.152.4 հազար դրամի դիմաց կազմել են 18.761.2 հազար դրամ, նախորդ տարվա համեմատությամբ աճել է 18.761.2 հազար դրամով:

Բյուջեի տարեսկզբի ազատ մնացորդը կազմել է 1.174.797.1 հազար դրամ:

Ոչ ֆինանսական ակտիվների իրացումից մուտքերի գծով բյուջեն կատարվել է 14.6%-ով, նախատեսված 782.812. հազար դրամի դիմաց փաստացի մուտքերը կազմել են 113.927.2 հազար դրամ: Նախորդ տարվա համեմատությամբ աճել են 59.897.3 հազար դրամով:

Ծախսերը ըստ գործառնական դասակարգման՝

Վանաձոր համայնքի 2023 թվականի բյուջեն ծախսերի գծով կատարվել է 75.1%-ով, նախատեսված 6.305.091.8 հազար դրամի դիմաց կատարողականը կազմել է 4.737.863.8 հազար դրամ, որից

- Ընդհանուր բնույթի հանրային ծառայությունների և պաշտպանության գծով ծախսերը նախատեսված 844.573.1 հազար դրամի դիմաց կազմել են 745.187.2 հազար դրամ կամ կատարողականը կազմել է 88.2%: Նախորդ տարվա համեմատությամբ աճել է 63.729.0 հազար դրամով:

- Տնտեսական հարաբերությունների բնագավառով նախատեսված 1.105.507.7 հազար դրամի դիմաց

ծախսերը կազմել են 883.596.4 հազար դրամ կամ կատարողականը կազմել է 79.9%, որից 113.927.2

հազար դրամը կատարվել է ոչ ֆինանսական ակտիվների իրացումից մուտքերի հաշվին: Նախորդ տարվա համեմատությամբ աճել է 510.825.2 հազար դրամով:

- Շրջակա միջավայրի պաշտպանության գծով ծախսերը նախատեսված 647.459.4 հազար դրամի դիմաց կազմել են 531090.4 հազար դրամ կամ կատարողականը կազմել է 82.0%: Նախորդ տարվա համեմատությամբ աճել է 198.554.0 հազար դրամով:

- Բնակարանային շինարարության և կոմունալ ծառայության գծով ծախսերը նախատեսված 794.956.0

հազար դրամի դիմաց կազմել են 437.593.9 հազար դրամ կամ կատարողականը կազմել է 55,0%: Նախորդ տարվա համեմատությամբ աճել է 204.445.7 հազար դրամով:

- Հանգիստ, մշակույթ և կրոն բնագավառով նախատեսված 818.497.9 հազար դրամի դիմաց ծախսերը կազմել են 675.078.0 հազար դրամ կամ կատարողականը կազմել է 82,5%: Նախորդ տարվա համեմատությամբ աճել է 219.036.8 հազար դրամով:

- Կրթության բնագավառով նախատեսված 2.064.097.7 հազար դրամի դիմաց ծախսերը կազմել են 1.437.396.8 հազար դրամ կամ կատարողականը կազմել է 69,6%: Նախորդ տարվա համեմատությամբ աճել է 181.674.6 հազար դրամով:

- Սոցիալական պաշտպանության գծով ծախսերը նախատեսված 30.000.0 հազար դրամի դիմաց կազմել են 27.921.1 հազար դրամ կամ կատարողականը կազմել է 93,1%: Նախորդ տարվա համեմատությամբ աճել է 12.923.3 հազար դրամով:

Ծախսերը ըստ տնտեսագիտական դասակարգման՝

Ըստ տնտեսագիտական դասակարգման Վանաձոր համայնքի 2023 թվականի բյուջեի ծախսերը նախատեսված 6.305.091.8 հազար դրամի դիմաց կատարողականը կազմել է 4.737.863.8 հազար դրամ կամ կատարվել է 75,1%-ով, որից

- Վարչական բյուջեի ծախսերը կազմել են 3.477.709.7 հազար դրամ:

- Ֆոնդային բյուջեի ծախսերը կազմել են 1.460.154.1 հազար դրամ:

- Բյուջեի վարչական մասի պահուստային ֆոնդից ֆոնդային մաս կատարվող հատկացումը կազմել է 200.000.0 հազար դրամ:

- Աշխատավարձի հոդվածով նախատեսված 445.544.0 հազար դրամի դիմաց ծախսերը կազմել են 426.992.8 հազար դրամ, կատարվել են 95,8%-ով: Նախորդ տարվա համեմատությամբ աճել է 9.938.3 հազար դրամով:

- Ծառայությունների և ապրանքների ձեռք բերման համար նախատեսված 882.195.8 հազար դրամի դիմաց ծախսերը կազմել են 741.437.1 հազար դրամ, կատարվել են 84,0%-ով: Նախորդ տարվա համեմատությամբ աճել է 100.707.4 հազար դրամով:

- Սուբսիդիաներ համայնքային կազմակերպություններ հոդվածով նախատեսված 1.933.845.3

հազար դրամի դիմաց ծախսերը կազմել են 1.904.168.0 հազար դրամ, կատարվել են 98,5%-ով: Նախորդ տարվա համեմատությամբ աճել է 226.713.3 հազար դրամով:

- Դրամաշնորհների գծով նախատեսված 120.883.0 հազար դրամի դիմաց ծախսերը կազմել են 116.392.9 հազար դրամ, կատարվել են 96,3%-ով: Նախորդ տարվա համեմատությամբ աճել է 52.358.9 հազար դրամով:

- Սոցիալական նպաստների գծով նախատեսված 56.368.1 հազար դրամի դիմաց ծախսերը կազմել են 49.196.1 հազար դրամ, կատարվել են 87,3%-ով: Նախորդ տարվա համեմատությամբ աճել է 23.558.3 հազար դրամով:

- Այլ ծախսերի գծով նախատեսված 44.426.5 հազար դրամի դիմաց ծախսերը կազմել են 39.522.8 հազար դրամ կամ կատարողականը կազմել է 88,9%: Նախորդ տարվա համեմատությամբ աճել է 22.861.8 հազար դրամով:

- Վարչական մասի պահուստային ֆոնդից ֆոնդային մաս նախատեսվել և կատարվել է 200.000.0 հազար դրամի հատկացում:

• Ոչ ֆինանսական ակտիվների գծով ծախսերը նախատեսված 3.550.611.5 հազար դրամի դիմաց

կազմել են 1.460.154.1 հազար դրամ կամ կատարողականը կազմել է 41.1%:

Պարտքերը՝

Վանաձոր համայնքի 2023 թվականի բյուջեի կատարման արդյունքում առաջացել են 847.940.6 հազար դրամի պարտքեր, որից 7.192.0 հազար դրամը՝ վարչական բյուջեի գծով, 840.748.6 հազար դրամը՝ ֆոնդային բյուջեի գծով:

Ծավալվեց քննարկում, բարձրացվեցին հարցեր, որոնց տրվեցին սպառիչ պատասխաններ:

Վանաձորի համայնքապետարանի կոմունալ տնտեսության, բարեկարգման և բնապահպանության բաժնի պետի տեղակալի Ժ/պ Արայիկ Նիսիյանը հարց հնչեցրեց մասնակցային բյուջեի ձևավորման հետ կապված բնակիչները ակտիվություն ցուցաբերում են, թե՛ ոչ:

Հարցին ի պատասխան Վ.Գրիգորյանը նշեց, քանի որ նախնական չենք իմացել թե ծախսային ուղղությունները ինքան են լինելու, այդ իսկ պատճառով 2024 թվականի բյուջեում չենք նախատեսել:

«Ուղղակի ժողովրդավարություն» ՀԿ հիմնադիր նախագահ Գևորգ Քոթանջյանը հարց հնչեցրեց, թե սուբվենցիոն ծրագրերից քանիսն են ավարտվել, քանիսը տեղափոխվել 2024 թվական:

Հարցին ի պատասխան Վ.Գրիգորյանը թվարկեց ՀՀ Կառավարության որոշմամբ նախատեսված սուբվենցիոն ծրագրերը, նշեց, որ նրանցից մի քանիսը տեղափոխվել են 2024 թվական՝ մինչև նոյեմբերի 1-ը ավարտին հասցնելու նպատակով: Հիմնականում դա վերաբերում է մանկապարտեզների կառուցման աշխատանքներին: Մասնավորապես անդրադարձավ իրականացված աշխատանքներին և առանձնացրեց այն ծրագրերը, որոնք աշխատանքային փուլում են:

Վանաձորի համայնքապետարանի աշխատակազմի քարտուղար Հայկ Վիրաբյանը հավելեց, որ ՀՀ Կառավարության որոշումները կայք էջում հրապարակված են, անհրաժեշտության դեպքում կարող են ավելի մանրամասն ծանոթանալ:

«Ուղղակի ժողովրդավարություն» ՀԿ PR մասնագետ Մարգարիտա Խուդավերդյանը հարց հնչեցրեց, թե արդյո՞ք Կ.Դեմիրճյան փողոցի վերանորոգման աշխատանքների ավարտից հետո որակի ստուգում իրականացվել է, թե՛ ոչ:

Ս.Աբովյանը պատասխանեց, որ Կ.Դեմիրճյան փողոցի վերանորոգումը իրականացվել է ՀՀ Տարածքային կառավարման և ենթակառուցվածքների նախարարության պատվիրակությամբ, և եթե փողոցներում ասֆալտապատման աշխատանքներ են իրականացվում որակի ստուգումը լաբորատոր սարքավորումների միջոցով է լինում և Վանաձորի համայնքապետարանը այդ սարքավորումները չունի, պատվիրատուն մենք չենք հանդիսանում, ուստի մեր վերահսկողությունը ակնադիտական է:

Շարունակելով Մ.Խուդավերդյանը նշեց, որ կառուցված թեթահարթակները փողոցից 3-4 սմ բարձրություն ունեն, պետք է տաշեին, սակայն չեն իրականացրել, եթե հնարավոր է այդ հարցին համապատասխան լուծում տալ:

Ս.Աբովյանը նշեց, որ կազմակերպությանը կտեղեկացվի, վերջնական շտկումները կկատարվեն, որից հետո կստորագրվի ավարտական փաստաթուղթ:

Նաև ավելացվեց, որ բոլոր փողոցներում կատարված աշխատանքների հիման վրա կիրականացվի շրջայց՝ առկա թերությունները վերացնելու նպատակով:

Գ.Զոթանջյանը հարց հնչեցրեց, թե սուբվենցիոն ծրագրերից քանիսն են ավարտվել, քանիսն են ընթացքի մեջ:

Ս.Աբովյանը նշեց, որ չիրականացվող մեկ ծրագիր ունենք, դա Վանաձորի աթլետիկայի օլիմպիական հերթափոխի մանկապատանեկան մասնագիտացված մարզադպրոցն է: Այստեղ խնդիր է առաջացել քաղաքաշինության կոմիտեի հետ, որոնք պնդել են, որ շենքը չի համապատասխանում չափանիշներին և առաջարկեցին քանդել և կառուցել նորը, ինչը բյուջեով չունենք նախատեսված, որի պատճառով չի իրականացվում: Մնացած բոլոր ծրագրերը իրականացվել են կամ իրականացման փուլում են:

Ունենք 10 բազմաբնակարան շենքերի տանիքների հիմնանորոգման ծրագիր, որը դեռևս 2021 թվականին էր հաստատվել, բայց չէր կառուցվել, այս պահին ավարտվել է, ունեինք ֆիքսված թերություններ, որոնք շտկելու փուլում են: Փողոցաշինարարության ծրագրերից ավարտված են Իսահակյան, Չաքարյան, Նժդեհի փողոցները, Վանաձոր համայնքի Դարպաս, Ծահումյան և Գուգարք բնակավայրերի ներհամայնքային ճանապարհները, այս պահին կիսատ է Ներսիսյան փողոցը: Գուգարք բնակավայրի, թիվ 4 մանկապարտեզի շինարարական աշխատանքներն արդեն սկսվել են, խոսքը առաջին փուլի մասին է: Թիվ 8 մանկապարտեզի աշխատանքները կսկսվեն մոտ օրերս: Տիկնիկային թատրոնի շինարարական աշխատանքները ավարտական փուլում են, հիմնական աշխատանքներն գրեթե ավարտված են: Այս պահին արտաքին պատի կառուցման փուլում ենք, որակի հետ կապված խնդիրներ են առաջացել, շտկման կարիք կա: Նաև այլ խնդիր է առաջացել, երբ որ 2021 թվականի վերջում պատվիրել ենք նախագծերը, այն ժամանակ տանիքում խնդիրներ չենք ունեցել, սակայն շինարարության ընթացքում պարզվել է, որ թիթեղները մաշված են, ժանգոտած, ուստի որոշում է կայացվել՝ լրացուցիչ առանձին մրցույթով ամբողջությամբ փոխել տիկնիկային թատրոնի տանիքը:

Գ.Զոթանջյանը հարց հնչեցրեց, արդյոք համայնքապետարանի կայք էջում տեղադրված տեսահոլովակի նկարահանման ծախսերը ինչ միջոցներով են կատարվել:

Յ.Վիրաբյանը և Վանաձորի համայնքի ղեկավարի մամուլի քարտուղար Ա.Ավետիսյանը մեկը մյուսին լրացնելով պատասխանեցին, որ համայնքապետարանը ունի համապատասխան մասնագետներ և սարքավորումներ տեսահոլովակ նկարահանելու համար, ուստի որևէ գումար անհրաժեշտ չի եղել:

«Ուղղակի ժողովրդավարություն» ՀԿ ներկայացուցիչը հարց հնչեցրեց.

Թափառող շների ստերջացման համար գումար է հատկացվել, արդյոք ստերջացումը կատարվում է և ինչքանով է ծառայում իր նպատակին:

Յ.Վիրաբյան – 330 շան ստերջացման համար գումար է հատկացվում, դա օրենքի պահանջ է, մրցույթը շահած կազմակերպությունը ամեն տարի կատարում է ստերջացումը, կազմվում է համապատասխան ակտ: Մենք հետևողական ենք և պարբերաբար այցելում ենք:

Գ.Զոթանջյան – 2024 թվականի հաստատված սուբվենցիոն ծրագրերի վերաբերյալ մրցույթ իրականացվում է, թե՛ ոչ:


Ս.Աբովյան – 2024 թվականի սուբվենցիոն ծրագրերը դեռ հաստատված չեն ուղարկել, միջգերատեսչական հանձնաժողովի եզրակացությունները դեռ չկան, հետևաբար մրցույթներ դեռ չեն կարող իրականացվել:

Հանրային քննարկումն ավարտվեց ժամը 11.35-ին:

Հանրային քննարկմանը մասնակցում էին՝

Վանաձորի համայնքապետարանի աշխատակազմի քարտուղար Հայկ Վիրաբյանը, Վանաձորի համայնքապետարանի աշխատակազմի ճարտարապետության և քաղաքաշինության բաժնի պետի ժ/պ Սուրեն Աբովյանը, Վանաձորի համայնքապետարանի աշխատակազմի բաժնի պետեր և բաժինների աշխատակիցներ, Վանաձոր համայնքի ղեկավարի մամուլի քարտուղար Աստղիկ Ավետիքյանը, Վանաձոր համայնքի Գուգարք բնակավայրի վարչական ղեկավար Հայկանուշ Սարգսյանը, «Ուղղակի ժողովրդավարություն» ՀԿ ներկայացուցիչներ և ՁԼՄ-ներ:

Վանաձորի համայնքապետարանի  
աշխատակազմի քարտուղար՝



Հ.Վիրաբյան

Նիստը վարող՝



Վ.Գրիգորյան

Արձանագրությունը կազմեց՝



Գ.Հակոբյանը